

四庫全書

集部

欽定四庫全書

范德機詩集卷四

元 范梈 撰

歌行曲類

贈海康舉進士者

聖主徵儒用文學翩翩五士起海角
元戎虎帳飛薦鶚泮水成材玉新琢
吉日舉餞鐘鼓作皇華大夫繡朱襖
快馬鑿蹄輪脫斲相送西風出郊郭
問君此行事何若於菟要是赤手縛
候鴈南飛不踰岳洞庭山秋木葉落

詞場先鋒奪霜鏑萬里青山上黃鶴明光宮中問禮樂
董生策有經濟畧一朝聲名動河朔往取青紫如六博
前年禮闈開峻擢明當接武絲綸閣歸來錦衣照丘壑
人生無如進士樂嗚呼人生無如進士樂勗爾高步翔
寥廓

送菊

卧病高秋留海浦明日重陽更風雨杜門不出長蒼苔
令我天涯心獨苦籬角黃花親手栽近節如何獨未開

含芳閼米亮有以使君昨暮徵詩來凌晨試遣霜根送
畚土雖微甚珍重極知無意競秋光佳作橫牕歲寒供
憶我初客天子都西垣植此常千株結花年年應吹帽
始信南邦事盡殊願得封培自今日何間朱厓萬家室
秋香端不負乾坤但願簫管亂儔匹歸去來今雖得歸
念歸政自莫輕違他日采英林下酌誰向清霜望翠微
奉新縣樓對月望浮雲山李八百洞超然有懷
白露浥宵桂月滿浮雲山遙想山人與我身俱閒少

日曾陪供奉班
流浪三千隨百蠻
海水接天看不足
却歸萬壑聽潺湲
累土成岳諒非艱
蚤服玄英勩大還
金闕玉清名籍在
不應猶自戀人間

閩州歌

閩州土俗戶不分
生子數歲學繡文
圍網坐肆襍男女
誰問小年曾識君
古來夜行斯秉燭
今者衢路走紛紛
那更誅求使者急
鞭箠一似雞羊羣
古來閨閣佩箴管
今者女工徵六軍
雖復太平少征戰
設有備豫將何云

去年居作匠五千耗費府藏猶煙雲官胥培克常十八
況以鳩斂奪耕耘祇今棄置半不用民勞竟是誰懽欣
歲歲條章省煩費幸且不省無方殷唐虞在上儉且勤
後王猶復錦繡焚豈有夔龍讓姚宋不言忍使憂心熏
觀風自是使者職作歌雖遠天應聞

奉陪京城諸友遊南城尋丘尊師道場作

我本漁釣清江濱三生自是華蓋君往從竹浦拾明月
初向芝山尋白雲聞有仙人姓丘者舊廬正在燕城下

杖藜隨步躡天梯千尺雲門淨如灑門前水流清且深
朗如石鏡開煩襟中有幅輪轉浩劫多見聽者無知音
高莫高兮嵩山之中岑幽莫幽兮壺嶠之雲林萬金買
閒不易得到一城市無歸心堯舜之事俱寂寞獨留一
人在丘壑問渠羽駕來仙壇夜夜疎星迷皓鶴我為長
春行興在碧草間白日又欲暮浮雲無時還十年住天
都塵土汙客顏於此意不愜冷然遂懷山更將攜手上
煙蘿曾是軒轅弓劍過我來正值五月半青天漸少綠

陰多每思東山公興來恣婆婆左持玉麈揮俗客右引
米扇遮天娥明時豪達盡如此逝且不樂今如何我亦
欲喚細腰舞白馬馱酒金叵羅誠恐道人嗔我慢空遣
弟子來相看上堂椎鼓日色晏孤我青精白日飯黃金
臺前春已歸海榴花發乳燕飛同行佳人莫相違相思
更贈女蘿衣

贈劉山人遊湖南

楚山高高楚水清之子西還復遠行手持空縣寶月鑑

人中到處測公卿
楚有羈臣面如削
千載姦諛膽驚落
誰能早向太平年
識得聲名等光岳
洞庭湖上莎草生
湘娥祠下鷓鴣鳴
與人言必據忠孝
豈獨賣卜嚴君平
子言亦是蜀州士
家寄錢塘小江涘
九野飛鴻逐便風
行色將我泛湖水
湖水上幾時來自
古生才須世用
試為今人青眼開

搗練圖

深宮佳人白日長
夜感蟋蟀鳴中房
起視河漢心回皇

雲鬢龍鬆分作行清水如天收素練翠蛾帶月杵玄霜
轆轤無繩金井悄邊頭不見梧桐黃裁縫熨貼坐在牀
載玄載黃公子裳制成不遠煩寄將但見寒暑彫三光
身體甚適平時康君不見古來邊庭士雪壓關河征戰
多折盡衣裘淚如水

題李白郎官湖

當時郎官奉使出咸京仙人千里來相迎畫船吹笛弄
綠水何意芳洲遺舊名唐祠蕪沒知何代惟有東流水

長在黎侯獨起梁棟之彷彿雲中昔軒蓋南飛越鳥北
飛鴻今古悠悠去住同富貴何如一杯酒愁來無地貯
西風大別山高幾千尺隔城正與祠相直青猿夜抱月
光啼挂在東湖之石壁黎侯本在斗南家枕戈猶自憶
煙霞祇擬將身報天子不負胸中書五車昨者相逢玉
闕下別來幾日秋瀟洒黃葉當頭亂打人門前繫著青
驄馬君今歸去釣晴湖我亦明年辭帝都若過湖邊定
相見為問仙人安穩無

王氏能遠樓

遊莫羨天池鵬歸莫問遼東鶴人生萬事須自為跬步
江山即寥廓請君得酒勿少留為我痛酌王家能遠之
高樓醉捧勾吳匣中劍斫斷千秋萬古愁滄溟朝旭射
燕甸桑枝正搭虛牕面崑崙池上碧桃花舞盡東風千
萬片千萬片落誰家願傾海水溢流霞寄謝尊前望鄉
客底須惆悵惜天涯

梁掾枉教冬菊之歌仍韻答貺

中書省郎梁茂才嗜好雅興時流乖休衙歸來緊閉戶
剝啄或為幽人開屋前枯楊千萬樹屋後官槐傍官路
別起新亭翼瓦間畫閣黃花夜吟句自別仙城白兔公
采英泛菊九秋同江清木落寒鴈遠我思古人煙浪中
彼美人兮無此美不見憂兮見之喜本是千巖萬壑姿
如何肯落君家裏昨夜遣詩兒過門挑燈三誦月黃昏
更酬迭唱未足報要須共倒花前尊君不見長安富兒
買歌笑意擲千金惜年少桃李如今不似春勗子含和

保貞曜

錢舜舉畫馬歌

錢君畫人勝畫馬安得名
驄妙天下青雲隱約見龍紋
有意軒昂駛華夏園官山立頎
而髯朱衣黑帶高帽尖
問渠掌握詎有此牽控寧知人
汝嫌君不見才士受束縛
往往因之縱寥廓

杏葉黃

杏葉黃天雨霜穹窿攜日照八荒
回光照見白玉堂堂

中美人雙鳴璫中宵抱被直西廂忠君愛親兩不忘奈
何零露沾衣裳清曉樓頭見征鴈不如謝官歸故鄉

題姑蘇丁氏一樂齋

人生開口日幾何一日所得亦已多請君為我酌美酒
我當為君歌樂歌堂上仙翁紫錦袍堂中碩人冠嵯峨
瑤池日遲眩五色椿樹春生交萬柯借問綵衣行者誰
丁家令緒如絲蘿兄弟無故父母存此語未必慙鄒軻
況昔知君在朝列贊教國胄懸瑤珂當時權倖悉故舊

青紫可拾不肯阿扁舟一去江海遠事寔由已非由他
他人束縛我掉手此又一樂信所過要當高名日益昇
使廡如華分如河歸掩茅齋坐清香松竹交映花成窠
丈夫所就類如此劍絕即與浮雲摩聊題長歌送君去
出門啞笑臨鷗波

贈彭生

自來西垣二月吉品裁良士無虛日上感天子大聖明
下知朝政靡闕失耳聞目見心所然莫此名郡彭君賢

辭官歸養終二親流水二十有四年古人作官計百世
今人動作晦朔計赤面持籌舞銓吏哀哉賢愚同一致
豈知彭生後時寵更二十年猶始至耕田足雨稻刺波
種樹繞天花照地未知羲和多少事但願堯舜一萬歲
千鍾有待亦人情尺璧無瑕乃士貴四牡以之不為傷
蓼莪以之不為廢王人若徵雅道闕清廟朱絃倚三二
美哉彭生淑慶源孝子亦在忠臣門幾人嘆嗟向穹昊
下馬指點銅臺村

侏儒行

君不見東方朔長九尺餘不如侏儒長三尺朝捧一囊
錢夕竟飽死復何益死者不可作饑者食有餘堂堂之
軀天所命生之短者續則悲嗟哉世之人羨彼侏儒復
何為

輓轡怨

門前水揚聲似雨幽人當牕碧絃語東里征夫去不歸
一雙蛾眉鏡中舞年年井上攀輓轡勞心只恐秋葵枯

他家種得長生草梅花落盡青青好

田君寫真

田君力幹成霜鐵一筆能開萬豪傑總是人間敵海愁
但自不忘泓穎別我所思兮大江濱欲往致之道路分
安得煩君寫作巫山與洛中有美人兮泛波上之遊鴻
行巖巔之素雲嗚呼此君不可見獨立乾坤淚如霰

贈鄭元澤別

燕城閉門百花節鄭郎騎驢索我別示我高人王右丞

輞川之圖澹明滅一從辭山去吳越寤寐鄉關五情熱
偶逢此卷即欣然人間何處無奇絕虞生教授司成館
文字精神萬人傑品題一百二十言一言不作溪山說
卿云亦有溪山趣事與虞言當合轍贈朋與親各有義
頗愧紅塵驅蹇拙更欲相留度小春夜深縞杏都成雪
平旦何以答畫圖為解臨江雙珮玦

張月梅子昂竹石圖歌

近來海內寫竹石集賢學士有李衍吳興翰林公更神

大抵不令石作板半幅蕭蕭煙霧枝如卷中有千尺奇
洞穴常起鬼神疑嵩華衡岱狎童兒金溪處士清似鶴
攜此隨秋訪幽壑我憶為公故僚吏細撫遺書雙淚落
吁嗟翰林今世無一筆猶可重江湖鳴鳳之下出瑾瑜
高風況足勵頑夫

西黎歌

一十三縣海之州四城結帶相綢繆中有羣黎集百峒
耕鑿不知堯舜憂手扶長弓架鈎箭白馬白似雪花片

此又外黎漸漢習仇殺從前如旅勸春花滿山禾滿臯
婦饋壺漿夫血戰曾不如深居不識禮教人又誰使之
郡若縣黎霧山高裏白雲哀猿驚鹿夜深聞下瀨戈船
今已遠行人猶說路將軍

掘塚歌

昨日舊塚掘今朝新塚成塚前兩翁仲送舊還迎新舊
魂未出新魂入舊魂還對新魂泣舊魂丁寧語新魂好
地不用多子孫子孫綿綿如不絕曾孫不掘玄孫掘我

今掘矣良可悲不知君掘又何時

望瀛海一首送危太樸之四明兼簡廉訪鄧使

君翰林袁侍講

危君英妙年獨往志千載天馬出名駒空行見風采昨
日銜書到空谷甚欲留之不能待九月開帆指四明要
逐高秋望瀛海海水上接天漫漫世人不知此別難當
君夷猶碧嶼日是我對月永夕猿狖啼青巒江樹葉飛
天雨霜江上吳歛思斷腸窈窕徐家兒與女却望蓬萊

如故鄉君行却向三山望雲霧軒牕六鰲上東方雖樂
不可以久留歸獻仙公白雲唱西過錢塘遇順風為拜
湖南持斧翁會稽學士卧雲島朱絃流水鳴孤桐道我
寄語莫忽忽送君有情亦如海海水有盡別意無終窮

重登興真觀小樓

瀕湖觀戶舊倒顛新起小樓明且鮮道人不慣養白鶴
食豕却來堂下眠偶聞使者薄暮至考鼓撾鐘吟昊天
春茶煮就且莫試慷慨憑高詢往年

至日行

長安夜半通明光
羣公冠佩列鴈行
泰壇三成樂萬舞
布衣類得齊鳴璫
小官需次祇自賤
當日再拜謝日長
多少朱門圍艷質
何當起視東方白

得黃太史重碧拈春酒
輕紅擘荔枝十字扇面
以歸友人

豫章先生行孝友
作書往往心應手
想當揮汗臨風時
不在荔枝與春酒
竹枝歌中喜鵲鳴
食蓮感秋思弟兄

素紈便面大如斗送與君家作千壽

孟先生

孟先生愛青山看山累月出不還蹇驢長笑天地間杖
頭酒壺時取酌身須饑病多容顏往時佳句動明主富
有聲名無比數先生遇之亦不驚去卧南山紫蘿雨嗟
吾豈是先生徒朝朝飽飯謁禁廬暮歸却向衡門趨刻
畫造化論鎔錙但有千載名衆人不知而已獨信非其
愚未知吾師先生先生師吾孔子不師周公吾亦聊以

自娛嗟哉先生獨不得相與於同世雲龍上下遊八區
七月一日颶風後奉和廉訪使

海上颶風久不来一日示我破柱雷乘此便欲歸蓬萊
炎州四時無落葉大木不效軀幹折怪事何止犬吠雪
蓬門土銼雖足憐日月晝夜行青天借爾楚竹洗蠻煙
奉觀許尊府遺墨

奉常許君玉色立手抱父書紅錦襲紛茫蜀令九霄神
挾摘郢州千首濕鍾張雖云世已遠任趙未可肩相及

葉滿天地雨聲急我縱覽之重於邑却憶風雷昨夜顛
萬壑起盡蛟龍蟄不然尺素尋常耳何日蕭蕭百靈集
草堂驚怪不敢留至寶豈復能輕酬還君子孫世善收
扁舟歸弄江湖秋

夜上烏巖

扁舟夜傍烏巖宿然火上巖尋古祠老巫輟睡啓神戶
牽幌請官窺漢儀漢家將軍利於鶻征行往往皆良奇
當時光武皇帝聖舉以善馭皆周知將軍再出定窮粵

忠義耿耿光精垂不然夷祀已千載何尚至今歌舞之
高懸銅鼓五獸缺以手摩拂增深悲蜈蚣宵行蛛網結
不識款書何歲時庭中蕉葉照石面猛虎出谷靈風吹
澤魚導從吏扶掖欲留頗復懼深危登臨有客動必戒
況此星露景倭遲獨立蒼茫問橫浦明日江山勞夢思

朱鍊師洪厓丹井歌

城西山相鉤連隔水照見蔚藍天中有芙蓉碧漸然真
人手持綠玉杖瀛州一去茫無邊谷巖歷落挂飛斗樓

閣崔巍凌紫煙古松當道石作根松下寒瀨紫潺湲百
花盡遶諸峰前前有神龍藏九淵赤鱗蜿蜒過千尺四
海豐登長晏眠堯舜在上位佐命皆惠宣豈如秦漢主
燒丹學飛仙白玉之牒黃金編樓船美人去不旋窮極
耳目欲思比赤松肩焉知清靜化乃可與長年

古杉行


丹陵觀有古杉屹如雙闕當雲門云是鍾君之手植君
去此樹餘空村尾搖翡翠捎八表根結蛇蛟行九原幽

邊豈無鬼神護深處直形天地恩一方拆裂引穿溜猶
是百年燒火痕蒼皮樹裏漸欲合始知草木有道存或
云下有丹火伏四時地底皆春溫神還復壯此其驗疑
是自此無傳喧平生政坐嗜奇古來看適值寒冬昏長
歌沉思遶其下夜半月高松露繁飄搖葉縣鳬舄影牢
落豐城龍劍魂何當喚起博物者共騎黃鵠凌崑崙

題皮野逸亭

方丈新亭隱藂篠下有長風蔭清沼杖間白日漏遊絲

空外青煙送飛鳥人生百歲今半之更百千歲將奚為
麻姑自是好風骨按行蓬島歸何時



范德機詩集卷四

欽定四庫全書

集部

范德機詩集卷

五至七

詳校官庶吉士臣初喬齡

侍讀臣孫球覆勘

總校官編修臣王燕緒

校對官助教臣羅萬選

謄錄監生臣李觀光

欽定四庫全書

范德機詩集卷五

元 范梈 撰

歌行曲類

釣臺歌

吾慕嚴子陵隱居富春山故人乘六龍身隨魚鳥間羊
裘大澤雪在須忽來導從入皇都掉頭不受諫大夫高
風逸節何代無慎勿倉浪輕釣徒

首陽山圖

山漠漠兮谷逶迤中有二士形容饑問之不啻告者誰
在昔父死人致國弟讓兄辭俱去之一朝隱居北海北
去亂就治歸人師遇世偶有戰伐事叩馬垂血陳愧辭
君王知名義臣直直不退聽將奚為見兵不果事乃定
耻食其粟隱於斯終然飢死茲山下到今稱誦猶當時
白旄黃鉞不可追功業甚盛德甚哀救民水火事誠危
三綱一失誰扶持是以聖人表其怨謂彼仁者良由茲
首陽之墳高幾尺自古富貴埋沒野草空累累我欲酹

北斗薦以黃金卮展圖涕漣而此意畫者宜不知

贈余相師

幽人本自居邱壑誤上青天養黃鶴長教四海不知歸
幾見珠玄襍花落厭原山下遇余君語余世事徒紛紛
書眼猶如牖中日宦情正似嶺頭雲

張明德經歷松石圖

張君畫手天下奇往者京城曾見之濟南參議最博雅
每為送酒題長詩深山大澤生喬松緘封寄我章江湄

問君安得致此本吏櫝政類麒麟羈又費臨川百日假
不爾能事何能施澗阿無人白石爛飛泉但見下連漪
老夫對此神慘惻况近歲寒霜霰垂高齋展玩意未已
便欲共赴青雲期搔首弦歌白駒操悠悠四海將誰知

二韓詩為韓吏部作

太行青雲城上頭城下亂水亦東流誰家煙中楊柳樹
鳴鳥一似黃栗留是時東風蕩瀛洲瀛洲冠帶集莫游
有客抱琴來海岳罷彈為我誇韓侯韓侯家慶邛笥始

異代流風尚能耳九十丈人住丹丘猶子類翁翁類子
一門兩世百八十更問千年今有幾余係生子子生孫
錦衣爛照晴空裏我向瑤臺聽洞簫靈風浩蕩迷宮微
桂枝翠弄月光寒一時秋滿芙蓉水神仙中人無俗賈
說似青天天為喜往年初識吏部君吏部有子才絕羣
與我同僚內相府給事朝夕均勞動是則知君莫如我
作歌盛德況所欣皇都二月花紛紛美酒斗倍錢萬文
把酒欲醉春日醺為君却日呼流雲此歌此事今罕聞

懷舊游贈別杜君還益津

往與羽人曾結滄洲期醉騎鯨魚躍天池北走幽都摩
碣石所歷至今皆見之澤國波光秋潏潏津亭月色曉
參差山夾疎鐘和雪度樓栖斷角引霜吹蘭園坐送流
鶯亂革觀行聞住鶴悲別來幾度斜陽裏平曲風煙勞
夢思安得狂心化為浪去隨流水到天涯偶向煙城逢
杜子為我立馬歡相持自言家在碣石西石西易水清淪漪
易州風帆日日至佳人何事重來遲重來易遲去易遠

便欲從君川路返，歲年冉冉思無限。
詩成鴈過雲濤晚，用韵酬鎔茂才。

弱冠從遊狎山水，三十餘年屈伸指南。
隨粵鳥北燕鴻，抵今甚矣吾衰矣。
學問無成不了事，況望清名照書史。
得歸重賦茅屋春，青眼相看賴吾子。
丹鉛曾近更生閣，但惜案頭螢亂死。
世情浩蕩何足云，高人不厭席為門。
百丈山前秋屢過，九州外事憶重論。
昔傷萍梗流滄海，慙喜梅花侑翠尊。
制古直須追左契，聲英必合紹前聞。

昨朝示我清江作洶如壘壁瞻風雲媿我徒當大敵怯
此陳何止摧千軍流離天驥志遠道悲鳴往往思其羣

留諸生

凌晨風雨踰山樹把書對酒聽鳴鳧牡丹初茁柳新芽
復逐春光向何處元舅曾聞白水誓婦翁更審清冰譽
二家姻好信無匹四海交遊知有數我於卿門誼不薄
況此阻陘泥中路元宵只在數日間天氣未佳須少住

凌雲篇

往與凌雲山人披虎豹謁太清是時東風滿瑤京綠楊
三月聽流鶯君隨挂席湘江行予亦騎馬趨承明手把
宮袍厭縛身却憶南溟有縱鱗四年辭海岳一舉上星
辰逢君却向凌雲下心上經綸甚瀟洒半夜清猿四合
啼長松古月照回溪桃花源上路一去意却迷我本凌
雲峰畔客何日相從卜其宅早服還丹生羽翼共脫朝
衣挂青壁

舟下龍舒望九華有懷秋浦守集賢周使君

長淮初四月照見九華山不見秋浦人使我心怡然昨
者蓬萊峯下相周旋白雲冉冉招歸船余亦泛海追羣
仙未知成道何因緣可怜柁樓月咫尺成吳越安得馮
夷半席風疾似南飛寄書鴈從君今夜過江東

小孤行

小孤有石如虎蹲西望屹作長江門洪濤萬古就繩墨
雖有勁勢不敢奔大哉禹功悉經理何必有志今能存
大者為綱小者紀不徒百谷知王尊靈祠正在石壁下

我來適值秋風昏明朝東行弔碣石更與尋河問九源

張吏部宅山水壁歌

高堂秉燭見翠微岩厓突兀當兩扉庭前繫馬霧露集
老木倒挂藤蘿衣問誰妙手能至此筆墨簡古世所稀
天官主人為我言翰林供奉精天機憶我尋山客南粵
地暖四時皆芳菲眼中得此了不易便覺宇宙揚清暉
旅人獨行歌采薇滄洲茅屋何年歸安得峰頭置雙鶴
相逐蓬萊頂上飛

贈李山人

平生慕事華蓋君四海孤蹤隨白雲峨眉山人住盱水
駐馬重逢帝城裏別來相問意悠悠北走南飛又幾秋
昔向貴溪尋講鼓又從薊郡攬征裘展圖示我青山屋
山在盱城小江曲東風日日蕩人歸明發行歌載黃鵠
憶昔上帝勅游華子岡中道勒回俗駕賓炎方是行倘
或如私願華子岡頭定相見麻姑應解索題詩碧桃花
發報人知

己未行

二年六月己未朔京城五更大地作卧者顛衣起若吹
起者環庭眩相愕室宇無波上下搖乾坤有位東西却
自我南來覩再震依微初震不今若昨朝展席坐堂上
耽翫圖書坐無覺堂下羣兒又驚報方饌饗人喪杯勺
櫛者倉皇下牀榻門屋鏗鏘振鈴鐸抵今猶自騰妖譌
旦暮殊言共郭郭大家夜卧張穹廬小家露坐瞻星落
焉知怪變不可屢安巢盡有南飛鵲昔聞上帝憂瀛洲

親勅巨鼇十二頭特為羣臣舉首戴萬古不與水東流
豈其九州亦類此此事或誕或有由上帝甚神吾甚愚
戴者勿動心優游

次韻賦吳尊師漱芳亭白紅梅花二首

梅仙之宮在何許五尺青天隔風雨冰雪肌膚綽約人
鐵石心腸軟媚語行藏一粒粟中寄品格百花頭上數
所以商廷和鼎功大獲登之六代舞嗚呼安得東皇錫
白社昨以金陵為爾土

惟梅本是羣仙侶別有芳姿照微雨人嘗誤作杏花看
我亦戲作蓮花語即色非空還是色遽數不終須悉數
偷服丹砂抹玉唇赭顏謫向春風舞嗚呼安得東皇錫
赤社昨以朱陵為爾土

贈陳兄

侍御諸孫美絕儔辭我遠行遊桂州道路炎暑正足畏
山水清涼須暫留昔我效官滄海上歸棹春前拂青嶂
極知茲郡烟景樂欲往終然背晴浪送君此去倍傷悲

夢寐梅花雪片詩故舊相逢憑問信何時重與覓安期
奉酬段御史登岳陽樓之作時分理盜賊至海

康

誰能手鋪湘水平剗却君山看洞庭昔人已騎黃鶴去
樓前亂芷春蘭青豈知繡衣後千載遠違鳳闕來江城
凭高弔古落日紫領客置酒開雲屏酒酣點筆賦新句
薄海傳誦令人驚憶我初游白玉京與君聯步趨承明
手宣皇猷敷帝績濟濟學士如登瀛一行竟墮萬里外

回首滄浪思濯纓守官區區事無補惟有白髮欺人生
惓惓水外萬竹底四時鳥語煙邊鳴忽忽此地復相見
恍如幽夢求仙靈中宵秣馬不遑暇君又北鄉予南征
如茲後會復何日念之使我雙涕零宮中聖人總四溟
所過海岳須澄清鐵冠峨峨望天下青霄快展皆脩程
由來豺虎伏仁獸況有鷹隼當秋橫明夜相思隔雲島
月落高臺聞笛聲

贈答楊顯民四方采詩

今人論學古人詩事皆天者非人為文章由來貴爾雅
但顧有法何妨奇六經固已殊緩急樂子飛騰自茲入
國賈寧懷大寶疑宮工肯效微綃泣志至言從意自足
何必王風繫流俗觀變時時到黍離宗周思近西郊哭
十道使者明如水閭閻盡在冰壺裏觀風本是使之職
太息幽人為之起昨雨綠苔生晚閣黃菊花前共秋酌
采采芳英不盈掬月落樹聲連萬壑去去牛馬汗如泉
既別勿計歸來年治平之音斷可傳無庸使我心煩捐

題冷架閣脩原圖

曾泛脩江入海昏更數千里緣人村道至常州四晨夕
猶未遂得窮河源山人世世原上住示我畫圖聯秀句
安得移家向碧峰釣磯長倚沙頭樹

蕭鍊師

若有羽人吹洞簫拂手不拾松門樵身披破褐笠一瓢
獨攜雲霧通青霄幼曾逢人越嶺椒教襲造化為科條
坐致雷雨不終朝罔兩不習持斧燒其徒夸者長嘒嘒

時夏汗流金石焦山川圭壁走乘輅大巫結舌小巫嬌
但見空字行肖翹人謂蕭師服神僚胡不試手須人邀
師乃含思坐中宵謂患不禦猶助妖便以誠意奮狎調
至期發號從不驕閉戶赤脚飛招搖白鬣倏忽朱鱗超
赤日卷上青天潮四郊泠泠蘇旱苗列缺一去天迢遙
喁噉曲士斲顏銷何須坎鼓更煩囂爭以俎豆相呼招
誰知玄功坐不要師方斂手歸雲寮卧聽流水鳴朱橋
采詩觀外給空謠我負師約秋光凋昨莫敗葉西風飄

相思無由警岑寥我作此詩比鈎瑯誰其和者以報蕭

登君堂酌君酒為張氏順堂賦

登君堂酌君酒願君有親千歲壽有蟠者木疑彼堂前
越女能舞秦女能弦羽觴流月翠幕張天綵綵在側羅
列庶鮮登君堂酌君酒願君有親千歲壽昔屈生去芟
君子貴之鄭莊循愛終悔其為先師遺言戒爾從今至
孝有道豈不在敬酌君酒登君堂願君有親千歲壽歲
歲壽且康

贈別情夫還吳

新雨不作泥，鈎輈樹上啼。
征夫懷遠路，家在太湖西。
別家今幾度，楊柳江邊樹。
念鄉車輪下，漸是中年路。
萬事中年尚可期，人生且莫長別離。
長別離向何方？九江落花清浦香。
王雎班班鳬乳黃，南望不見三高堂。
奈何遊子思故鄉？我家諸公濟時早，功成身退合天道。
當時未必知者賢，挽不迴之卧煙島。
後來閱盡虧成事，始識從之去時好。
我不能赤手縛虹霓，又不能委身同草木。生

逢堯舜世肯受泥塗辱昨者誤奮龍門雷螻蛄嘲之自
云足憂來舉觴酌白日唯有皇天照空谷張公子吳江
生我有千載意不羨身後名為君寫作贈行曲曲中鏗
憂難為明君行不聽我意平明日買船擢秋聲亦欲東
下窺蓬瀛飄然始去白玉京須卿禹穴來相迎相迎未
見須相待客行雖遲心未改

城南諸園觀牡丹

燕然牡丹絕世嘉名園是處列如麻清晨步騎醉暮歸

胸中消得一萬花青雲長銜若木日綠水亂泛天台霞
神功天巧奮心目依稀半在侯王家欲持此花表衆芳
斗大亦有歌與斜堂堂不動吾所敬似者何得爭豪奢
我從年少過花下雖有車馬不敢譁未知時人作意否
俛仰宇宙思深遐

奉和效古意醉歌

憶我初年三四齡當客唯對聲令今夜誦漢賦一千字
朝來千字仍心冥自許英年逼華蓋豈信流光不相待

祇今四十少二年坐念立忘足悲慨我當贈君金叵羅
君當答我黃鵠歌吳南水遠春似畫欲行未行可奈何
莫使風雷寄鳴銹莫嘆羊裘墮烟雪人生萬事如春花
瑤花雖晚君須折

二月行

二月欲半春風顛對食廢食心黯然排沙蕩沙忽到眼
須臾几席無光鮮昨者出門吹欲倒乘黃不病不得前
百圍大木拔莫動決折斷榦追烏鳶驚雷萬車碾空過

倏忽卷地散百川未知何自蛟龍怒坐使老屋如流船
先生老屋十五椽寄住主人從昔年崩騰直為居者惜
過客東西何用怜幸自環堵無足樂屋雖朴陋形製堅
但念素衣髮如漆白黑變盡思歸田勉焉守之勿易地
會且風止天清妍君不見列禦寇御之還得同飛仙

送蕭二十兄

東郊蕭條生事微快馬日日趨朝歸黑頭遊宦吐梁肉
青眼高人歌薺薇儂家旅食強甘苦何物俗流輕是非

百歲乾坤消屐屨三江風浪隔庭闌柳間臘雪春猶凍
沙上晴雲暖更飛音擬此時具吳榜送行何故不沾衣

雲林歌為貢供奉作

朝望宣城夕企雲林掃花釣月清我閒心城東之山倚
天碧手捫南斗近咫尺幽人築堂面山坐絕似謝公故
時宅謝公今何在蒼苔翦行跡調笙誦新詩流水照白
石看水作明鏡年光靜來往夜深敬亭雨坐見南湖長
清風被長阪鳥度兼葭響雲之林兮不可攀中有青猿

白鶴相盤桓林之雲兮不可縛時來宿我青簷端昂藏
老仙人抱劍卧山側憶在中華時相逢髮未白問之不
笑亦不言阿蒙中子瀛洲客卻起遺我寶字書依稀攝
精鍊魂魄相期後天無極年共爾守之合自然專氣還
得同飛仙未登雲林堂試作雲林歌嗟我久客意衰邁
雲林雲林奈若何

芝山歌

自公習隱華山園公既未相清乾坤三光迴明五秀

閱諸靈肆啟忠孝門昔在至元侍潛藩出佐刺史窺江
源二十年間躡台輔即復拂衣辭紫垣憶昔尋真度海
岳騎鯨相見芝山根手拋仙人綠玉杖傾笑為之顏色
溫芝山嵯峨熊虎奔屏風百疊翠波翻青天芙蓉翦秋
水高堂宴罷浮嵐分醉陪藜杖陟山榭桑麻被逕松滿
原此時細屬方外里但覺泉石多深恩帝思舊臣振頽
弊下詔明言徵吏煩使車日歷林澗曲復攜白雲朝至
尊觀公出處握至要自許當有古道存方今明堂力更

化頗陋周漢追堯軒轅夷來庭百辟享聖心正欲嚴天
元黃鐘九奏樂萬舞廟薦無月無受膳大酺精神蓋六
合民物自爾能豐蕃功成次第勒彝鼎歸去欵委尋笙
尊此是英雄千載事慎勿輕與常人論只恐門牆少壯
客白頭猶是芝山村且持此山為公壽願益公壽如崑崙
奉和李監丞醉贈羽人之作

自從墮地愛名山五岳尋真去不還青山無津度日月
旦暮御氣行其間九江西來赴海門中有道路古來難

笑談解入蛟蜃腹脫此命與松喬班吾嘗左揖三茅君
右手直接高飛翰至今空濛偃翠蓋望雲懷我雙珮環
君從茅山來青衣白霓裳肝膽出古劍剗裁光甚揚玄

元皇帝雲與仍

李武昭王
嵩之孫

稱世舉德朝未央偶吹龍笛

過九市共君斟酌北斗傍浪轉北斗不可揖酌之昨以
白玉觴百觴未已已復醉援此織女天機章舉頭眼送
南歸鴻秋自滯留君遠翔眇眇美人絳珠宮弦白雪兮
歌清風浮萍流水相遭逢何獨不在岐路中何獨不在

岐路中相思昨夜春缸紅

官河曲

官河人世居河水邊嚴冬二月河冰堅響厨待汲烹庶
鮮朝朝投壺先衆女十指凍墮貂金蟬今日出門又苦
早行人爭惜少夫憐鑿冰難得水上堂養姑欲姑喜

元城行

元城郭使君愛母不逮殮刻木貌慈母去官西山濱上
堂示甘旨下堂候寒溫人見使君孝作書細討論我論

使君政亦由孝所敦虞周雖已遠此道今幸存嗟乎使
君天壤何茫茫此道誰與期天雖高孝心本自達天德
地雖厚孝心當有徹地時何必邦人子弟能化之致之
家國天下皆爾為秋風吹庭樹樹葉秋如雨秋樹則有
枯鳥生長顧雛

范德機詩集卷五

欽定四庫全書

范德機詩集卷六

元 范梈 撰

七言絕句

懷小栢

手種庭前小栢樹分枝散葉總天成
涉旬不見長相憶
況是經年別友生

楓林雨止

籬角楓林露鵲巢春深翠葉未全交
山家老屋渾相似

千里行人識把茅

題黎氏家山圖

漠漠家山在白雲
石橋流水路斜分
狀元坊裏重來日
還有新阡表陸君

社日

丘陵雨止散青煙
白叟相違已隔年
忽遣大兒三角結
打門來覓社神錢

贈卓秀才還澧州

不說從師學道難一身千里暮雲端是行若拜庭闈罷
有使題詩抵寄蘭

五月二十六日夜宿松林蘭若

白沙寨下接飛霞行至招提日已斜睡覺忽聞山鳥語
不知今夕離吾家

瑞州城東水邊松下遇老翁稚子蕭然有桃源
想

花墻竹柵護長松雲去柴門晝啓封不是武陵州縣古

秦人那得晉人逢

登高風亭

亭在三劉祠後今西澗書院劉凝之書高安人子道原孫義仲

罷官本自亦由君直節高風世世聞天下布衣能致祿
多應無傳附青雲

桑落洲

桑落洲前秋興孤白雲遠見近還無傳聞酒吏經年罷
美釀家家得縱沽

發湖口

已過匡廬卻向西片帆猶逐暮雲遙路長正是思親節
取次驚猿莫浪啼

潯陽

露下天高灘月明行人西指武昌城扁舟未到心先到
卧聽潯陽譙鼓聲

題山水圖

烟崖窅窅樹欒欒三兩漁舟戲碧瀾不解買山頭已白
今朝又得畫圖看

十月白牡丹郢中孫氏家植也

霜檻枝頭結素雲分明便有繡成裯
紫皇為愛春風早特向瑤臺折贈君

八駿圖

天上房星照九垓翩翩西域畫龍媒
昆侖一去無消息空見人間八駿來

試院中戲題姚檢校山水圖

故園不涉已經秋何日徑辭黃鶴樓
卻借仙人綠拄杖

乘風散上碧峰頭

以瓊扇一握奉致黃明府

拾得炎州月一團殷勤持贈比琅玕情知已是秋風後
留作明年九夏寒

詠鹿

野性難馴不稱家呦呦如怨復如嗟何如送汝歸山去
許令臺前卧落花

鍾陵夜宿聞鐘

金卷之五
卷之五
中年江海夢靈皇
夜半聞鐘似上陽
一百八聲猶未已
更兼雲外鴈啼霜

宿村莊見高進士留題戲作

三水橋邊望翠簷
行人駐馬立昏黃
因何秉燭來投宿
州判題詩在草堂

午憩村落竹溪上

竹連流水水緣村
上有青山蔭芋園
此處不容居士住
短牆午暑特侵門

日晏

昨日相期早出村
今朝日晏未開門
可人一夜東風雨
綠遍天街舊草痕

四月三日早作訪夏編修

曉穿甲仗抵晴沙
橋角垂楊亂映花
春色於人元不薄
將詩勾引到君家

畚贈晚春

懶向佳人說翠微
長安陌上見春暉
誰家門巷花狼籍

吹作漫天白雪飛

初六日在院中僚友無人至

乘輿聞喜達皇都自此玉堂宣鎖無閒殺幕中揮翰手
日長獨坐數花鬚

因杜右父編修贈痔醫

祗痔曾聞獲乘車玉卿妙藝復何如祗應杜老波瀾筆
絕侶齊人治驗書

院中夜直

此身只侶到南州
芳草寒雞一片秋
後夜玉堂誰上直
料應少睡更多愁

贈黃道士別

二十四岩烟霧幽
輕舟橫笛戲清流
萬人舉手風塵下
怪殺仙人學遠遊

鄰燈

星星遠映孤村外
炯炯微穿落木間
知有鄰姬思遠道
績麻應待夜深還

休日

暫解晨叅不出關
有時持酒憶南山
無端却被詩牽引
斷送先生此日間

十一月十六夜

本是圓時半
不明擎杯此夜復
何情更無雲表真消息
鐘鼓盆罌亂自鳴

戲題二牛

燕山丈人年九十
戲筆掃此雙犂牛
江南夜半春雨作

老農驚起為君愁

離揚州

孤蓬如磨遠汀沙
葉滿平湖藕未花
回首竹西亭漸遠
一江烟雨酒旗斜

贈裴氏二子

唐晉公之後家有胡銓盛德堂銘其先世為
守是郡家焉至今尚為儒家

有後深知晉國賢
傷心不為海南邊
相逢莫笑無多贈

猶是詞垣舊俸錢

過三合驛

一春歸計又蹉跎
窮粵風光奈病何
總有青山千萬疊
行人長少鷓鴣多

江閣雨望圖

高閣秋風樹半枯
連山更帶雨模糊
幽人把釣空江上
縱有扁舟不受呼

見觀西人家石榴

石榴始華實已紅
橘柚照日青玲瓏
自來南州感風物
賴得鄰人生意同

十月十一夜東署聞鴈

久別雲林舊草亭
南江都邑歲彫零
可憐此夜長空鴈
正在青松樹底聽

詰朝進書西宮問盧九修謨借馬戲奉絕句

作書太史具有喜
徒步拾遺方可憂
明日待朝天上去
何由贈我紫驊騮

高齋

俗客過門應有數
抵言渾侶野人家
小齋高接萬林杪
坐見城南城北花

候孔校書

承聞舟楫向河干
久別深思再見難
已具一尊林下酌
好來共慰百華寒

悼節

百華高下擁晴天
竹屋方牀興悄然
忽憶逝人泉下冷

學燒楮火作新烟

清明後聞隣莊牡丹盡發館中獨遲雨晴忽開
一枝詠以志賞

千山颯颯雨無風憔悴羣芳二月中
整待人家春事過
小亭特放狀元紅

題楊補之墨梅

學到逃禪自一家
洗空塵墨印江沙
筆端不有蘭亭骨
莫寫園林雪後花

江東晚泊

雲間列岫映朱樓
江水東來打石頭
不是行人惜光景
人心舊有帝王州

江上古祠

老樹昂藏倚岸隈
祠靈經歲鎖蒼苔
豚蹄卮酒能多少
便有羣鴉旦暮來

重感

曾謁聊城太守歸
吏扶殘醉踏斜暉
重來柳下停船處

太息人間萬事非

湖面

湖面春深暖氣勻
青蕪未墮已知春
沙灣散駐張魚客
葦室時驚射鴈人

玉隆宮

東晉真人尚典刑
石函故在藥瓢零
閣前正是升仙處
雲路笙歌少得聽

經梅仙壇下

懶慢辭朝梅子真空山祠廟已千春自從上疏東都後
不見江湖有直臣

北山谷中老父

無多林屋冠青山長子成孫鬢未班問我鄉原何處是
半生江海未知還

題萬竹秋聲

山人愛竹手自種萬箇直臨江水邊長吟浪被秋風覺
散作宮商聲滿天

錢生幽禽圖

誰人翦下碧梧枝
誤落西風粉墨池
立斷小禽飛不去
朝陽何事鳳鳴遲

封州作

魏闕迢迢隔綵霞
別來幾歲客天涯
春風二月崖州道
時見棠梨一樹花

渡端州峽

擢郎得便泝清流
忽報舟前曉霧收
蠻語酬人翻自苦

好山不敢問何州

正月二十四日至寶圭驛是北流縣自此遵陸
指鬱林矣

遠辭京闕碧雲端
沂盡夷江未到官
回鴈峰南更千里
是行誰為報平安

登沓磊驛樓自此度海

半生長以客為家
罷直初來瀚海查
始信人間行不盡
天涯更復有天涯

謁海神廟

南州未識異州蘋
初向沙頭問水神
料得行藏无用卜
乘桴人是北來人

得樟樹鎮便寄家書

商船夜說指江西
欲託音書未忍題
收拾鄉心都在紙
兩聲杜宇傍人啼

瓊州出郭

自出瓊州古郭門
更無平行侶中原
重重葉暗枕根雨

知是黎人第幾村

臨高阻雨

恐傾南海成秋雨急喚西風作晚涼
淨掃黎山須見骨
莫令楚客屢回腸

檳榔寨

秋入黎山風雨多
長江不定駐驚波
翠榕葉底聞鸚鵡
自此無如客思何

定安縣

鴈上晴雲滅復生誰家吹笛海天明縣堂曉起西風急
半是深黎夜雨聲

至富屯

承恩千里出江鄉轉歷三關道路長黃葉霧開山市集
見人鳬鴈憶橫塘

西樓

童子出春親掩關春來芳樹伴人閒別家五月不得信
獨上西樓思遠山

遊南臺閩粵王廟

海角釣龍人杳杳雲間待鴈路迢迢若為借得山頭石
每到高秋坐看潮

元夕

危樓向暮倚層空故歲今年不得同記取合沙元夕節
滿街簫鼓雨兼風

正月十六夜雙門觀燈時閩粵閩官吏皆集

雙門此夜啟宮臺次第東山好月來自古金吾元不禁

少留大將與銜杯

二十六夜得舍弟書及知熊敬輿茂才消息期
旦夕有會良足快慰也

故人天闕騰新薦舍弟雲溪守敝廬未省東歸何日見
挑燈細讀寄來書

南澗志見

繁桃只稱倚紅扉臘酒吹香著舞衣樓底誰家吹玉笛
一雙白鷺上雲飛

池館夜坐聽雨

更聲隨雨動譙門
頗侶聽泉宿
楚原客裏青燈如骨肉
獨能相待向黃昏

懷京下親友

海上經年思殺人
絕憐京國舊交親
過江唯有傳郵使
寄得書回是暮春

池上晚步

清池斜步竹烟微
鶯轉重門鎖夕暉
退食幸堪無趨謁

見人慙道聽公非

不寐

鼓角連天月滿城
芭蕉葉上露華生
思鄉不寐占潮信
說是中宵夜半平

夜坐池上館

沉沉畫戟隱高牙
月滿閩都十萬家
竹外小曹人睡穩
杖藜獨立聽鳴蛙

建安館夜坐聽流水

平生慕愛武夷君及此名山阻白雲
九曲水聲流過郡夜深猶得世人聞

路傍樹

路傍古木是誰栽更有山棠次第開
東海神仙求不得何因百歲客重來

臨觴

幾見春鐘度上陽偶因寒盡強臨觴
故鄉只在車輪下自是青雲路每長

聞笳

何處聞笳最是悲
京門獨立晚晴時
鷓鴣一去荒郊遠
借問春光有底遲

夜誦賦瓶花

膽瓶折得樹頭花
初是東園一片霞
西澗讀書過夜漏
忽隨燈影上牕紗

寓書

欲寫鄉書寄故園
行人已遠意空存
舉頭却見南來鴈

箇箇隨春度塞門

山僧養犬

不見岩扉淨業君
山僧養犬漫成羣
人知自此來看少
祇向山中吠白雲

憶得

憶得佳人白紵詞
幾將天外數歸期
自從落盡庭前樹
夜夜秋聲總不知

聞東鄰歌

促指繁歌沸不停月高絃語轉明星莫令知有西鄰客
獨坐挑燈課六經

贈郭判官

慈烏夜夜向人啼幾度紗牕鬼魄低自有平安三百字
無因却寄大江西

種樹

種樹江頭不記春年來年去抵傷神今朝忽向江頭見
稍有清陰庇路人

溝上

御溝新綠動朱闌
溝上垂楊盡可看
唯有西山九千仞
朝朝闕角倚晴寒

卧庭

朝來忽見樹藏霞
碧草村邊逕路斜
佳客不來春雨盡
山禽啄遍小桃花

靈應宮

萬花如繡擁青紅
梯石稜層見梵宮
一十二時春百刻

日長半在鳥聲中

清明日留西山

離家六度見清明
知是何時出帝京
今日登臨倍惆悵
好山多似豫章城

逢芳草

忽逢芳草思綿綿
綠遍郊原翠滿川
不是王孫歸未得
盡緣春色有今年

西谷訪人不遇

出郭幽人晚未歸
青山咫尺見何稀
一年祇有春晴好
多事楊花學雪飛

題閨人望遠圖

郎行不用苦悲辛
久別心知萬事親
看取江邊垂柳樹
最先零落最多春

酬友人月夜見寄

舍北舍南流舫通
高荷萬柄倚微風
不識此時明月夜
共誰談笑水烟中

題沈李二山人談道圖

白雲流水兩無情一段忘言畫不成
昨夜天壇明月滿野風四壁候蟲鳴

春日上平坡寺

羅逕陰陰近百層金輿記是昔人登山僧
苦避尋詩者牢閉柴門喚不應

省使初至新建山谷山家

卹災猶自惱漁樵太息無時緩賦徭
日暮解鞍仍秉燭

強顏聚吏戒科條

山下

樓外風江集米船樓中光景月流天空洲此際無鳴鴈
猶比山深少夜眠

章義門送人還南城觀臺

郊原平晚綠萋萋獨上高臺意轉迷古樹鳴蟬城下路
送人長憶向安西

懷臨江寓居

石霜峰北淦西頭寄住林塘數畝幽比及到家猶是客
對人強自說鄉愁

清明日

旅庖欲禁自無烟酒裏中原熟食天不憤小桃紅似火
為人兒女照秋千

西垣感春

簾幕沉沉燕子歸牡丹帶露浥春暉依然畫省風光妙
少問去年人是非

楊花

穿空透戶本無因，若便隨風惱殺人。
我似楊花花似我，年年飛盡玉堂春。

挽西蜀先生

八十猶傳隱者名，乾坤未是負先生。
無端白帝城邊水，欲載哀歌上玉京。

歸自館中聞鶯

春來羈思不堪論，日日瞻星謁禁垣。
昨夜歸來津口聽，

嬌鶯啼斷內城園

友人壁間寒山圖

行盡天涯不見秋
君家庭院冷颼颼
太平欲選風霜吏
畫史當居第一流

東郊

東郊芳草綠萋萋
欲到渾如戀馬蹄
總是都門好春色
隨人直到大江西

絕句

幽人不出戶長開看盡春風長綠苔多謝有情雙燕子
暫時飛去又飛來

懷南省海棠感新事作

海棠花發醉題詩猶記西垣下直時今日豈無歌舞地
一尊先被外人知

贈聊城施生

京國相逢意若何向人平轡路人謠
臯陶此去為廷尉
似子寧疑一掾多

贈盛復之之官宣德

帝城穀雨見黃鸝
關外風光大較遲
想得牡丹花落後
先生初是到官時

戲題張平章所贈洪生書後

一翁二季嚮皇都
未必遭逢事太殊
祇惜翰林歐學士
當時書讓蔡君謨

贈水鑑道人寫真

鑑盡公卿寫盡真
此心澄徹故通神
世間未用論滄海

何日河流照得人

十二月十九日候進賢該吏不至看野人家道

書

社農家近白鷗沙再繫停驂候蚤霞間啟古囊看法錄
此身如到玉清家

送薩僉憲至石頭渡

石頭渡口風烟古洗盞開樽對淺沙卻喚掾曹無覓處
移船幽寺看黃花

小年日仍宿北山

臘日才過又小年那堪澤國雨連天兒童把酒傳明燭
遠想慈親尚未眠

題秋林圖

霜樹前頭欲下禽遠行逢有暮歸心佳人昨日天際去
紅蓼作花秋正深

孝友堂

堂前多種紫荊枝堂上能啼白髮兒但恨後來風雅廢

南陔不似古人詩

戲題奉寄行營董僉事

五月沙山鐵騎羅將軍無那太平何帳前養得伊尼獸
祇愛行營芳草多

和揭曼碩茂才揭嘗過臨不遇留題墻壁

麻姑蚤解鬢成霜況說山中海與桑久別南城壇近客
西風殘照憶題墻

題烟雨圖

似有江南布穀聲
亂流觸石野橋平
何由招得魚竿客
共上西峰看晚晴

題稚川蘆鴈圖

不見羅生心惘然
畫圖河朔盡流傳
滄洲舊隱無人識
正似寒蘆落鴈邊

伊孝子

是州寧有古藤君
子弟班班行義聞
又說水村烟郭外
伊家水樹抹青雲

題松雪圖

傍人不識歲寒松
憐殺深山大雪封
待得化為東海水
青天白日睡蒼龍

桃花原是漸嶺對江

雪晴尋路入華原
絕愛清江抱遠村
行處祇貪幽樹好
不疑山谷易黃昏

范德機詩集卷六

欽定四庫全書

范德機詩集卷七

元 范梈 撰

七言律詩

正月節日上寶歷寺行禮退述事

朝參不見承明廬
夢想三更尚是初
宵宵重山遮列炬
泠泠流水逐行車
柴關響接羣僧磬
草澤心馳上帝居
聖壽延長天廣大
固應涵養及樵漁

晚經皮使君江居不見賦簡

使君直節更無雙
又拜濃恩出海邦
絕域朱旛兼早蓋
名園碧樹倚清江
山明殘雪當松隴
岸斷斜暉射石矸
愧殺會稽王子敬
過門未遂此心降

憶得去年尋藥圃
甚憐此日負花時
拏舟況說看燈及
叩閣應煩把酒思
浩浩古今奚我獨
悠悠江海是吾師
西墻倘遂殘年願
來往風流或可期

松湖渡亭子夕眺懷西山朱鍊師

不解無愁祇遣愁
憑高試看水東流
一天鷺影摩仙闕

兩岸蟬聲送客舟肯信先生居錦里不將夫子敬丹丘
如聞舊按蓬萊節松下時時省釣遊

題阮茂材詩卷

炳炳人間阮嗣宗能詩飛動每愁儂九霄麗日開鳴鳳
六月深淵起卧龍前輩文章工祖述後生師友係遭逢
一編欲返明珠寄寶匣看君不敢封

贈熊處士還山房

廬山中有山房宋李尚書公擇藏書處今廢

矣海昏李氏為其先作書堂於建昌州亦曰
山房并記尚書焉蓋有慕廬山者矣聞熊修
業是間故作此記之

尚書舊隱在匡廬亂後傳聞宅已墟祠宇祇今誰薦鞠
鬼神猶自護遺書石泉宛宛輸池細川樹茫茫映日疎
不識海昏熊處士冥棲消息近何如

贈傅汝礪北游

十年身不到瀛洲江上逢君又素秋行李祇今何處在

看花須及俊年遊滄波遠去浮三鷗白日高懸照九州
大旱若將敷說命賢良記取舊弓裘

贈熊文學

江東閥閱冠羣倫多士如君復幾人庠序弦歌時雨潤
廟堂俎豆德風淳嘗因矯舉思鴻鵠何幸昇平覩鳳麟
黃葉薊門寒色早佇看天上紫泥新

送馬掾遷湖南

聞君暫與故交違去逐西風落葉飛看劍未成今夕會

金人集卷七
拏舟定復幾時歸雲開帝子黃陵廟月過將軍赤壁磯
事業還須各努力收名即用繡為衣

八月二十日晚試院得雨次時作

彤廷下詔簡賢良大府新開藝戰場一道風雷嚴號令
九霄星斗煥文章求材正合隆天爵發策應當急歲荒
昨夜雨聲傳數點爭燒銀燭待新涼

贈李宣使

故園雲卧四三年府署依然念子賢莫為馳驅傷遠道

但將忠孝感皇天湖南政譽聞爭薦日下絲綸竚近傳
為報津頭黃菊藥明當照我上江船

大明殿退朝

曉星寥落動晴霄雙闕香烟近眼飄警蹕西來天影近
衣冠北上海光搖間因正笏知春漏忽報簫聲押畫朝
忝後詞人雖寡陋極知聖主體軒堯

清讌奉教

日上高城烟霧多玉簫前路散鳴珂開筵迥出清川上

對酒其如綠樹何南極有星朝玉闕中天佳氣掖鑾坡
長年不負經綸願及昌時養太和

四月十六日指東華門奉迎香輿

天香曉報出宮城已辨隅頭合樂迎黃鳥低斜衝隊過
紫駟踈蕩著班行百王盛祀無遺典萬乘深居有至情
失喜快傳湯沐賜禮官識姓未知名

禮成還齋宮

九重雅有舜儀刑猶遣精神接杳冥朱戶瞻星扶帝座

清天分月下齋庭周旋宛若羹牆見薦裸遙聞黍稷馨
歸舍何人發新詠卻兼鳴珮兩邊聽

至夏莊懷平坡舊遊

平坡谷前桃花年時著屐到君家祇今可買惟村酒
無復能來識石茶簾幙高高通紫燕溪潭款款伏青蛇
同遊昨有虞公子卻為盧郎得浪誇

贈王主事如上都

天官幕府盛諸卿人從皇輿赴上京邂逅同為遠道客

比隣猶有故鄉情
秋風響近彈琴峽
夜月懸當直斗城
須記今年上馬日
菖蒲杯裏試長生

長春瓢奉同夏楊二編修為九宮道人作

妙絕新亭九宮下
似杯非杓異山壘
昔從樹杪冷風去
今向天邊灑雨來
芥子量應容宇宙
黍銖境不外樓臺
從師斟酌行藏事
小閱冥靈一萬迴

送梁知事之婺州

皓月青雲若箇邊
送行恨不共吳船
新官浙下皆名郡

舊宅山東有賜田禮樂固應張盛代簿書勿用歎流年
經時不見曹員外今日因君重惘然

追和盧修撰張平章園亭觀花飲

白藕花邊香已秋西郊風物野亭幽未須短杖扶持病
且遣孤尊斷送愁紫氣近連飛鳳闕青山遙隔釣魚舟
勝遊縱在招要外猶解因詩頌醉侯

秋日集詠奉和潘和二使君浦編修諸公十首
古薊城邊白露零秋聲不任旅人聽差差乳燕朝辭舍

嘸嘸高鴻暮過庭以病酬閒翻自惡將愁抵醉祇難醒
何人解擬匡廬賦千仞岡頭瀑瀉瓊

將身跳出市間壺美賈由來不用沽大地騎鵬須共化
中宵上鶴倩誰扶庶幾耒耜投簪去尚可長生折簡呼
此輩終非塵土物明朝種橘學諸蘇

生也無涯死有涯拋書幾擬問南華要知立志非多事
但使成言自一家寒樹接天霜映鵲濕蕪滿地雨生蛙
相過倘遂攜尊酒檢按墻東野菊花

迴無江左管夷吾誰復能稱晉宋書
運本闕天聊爾耳力能蓋世復奚歟
百年草草雲龍地四海悠悠法象廬
曾向鍾山酌芳草至今心死及菑畬

流落移家白帝都低頭愧盡馬相如
題橋一字終何益賣賦千金竟或無
風月長留前輩詠塵沙滿載古人書
此身汎寄空江上已異當時舊鬢鬚

浮世有由虛尺寸明時無伎畬涓埃偶隨青瑣須高步
欲綴丹書甚寡才斷壁雲過溪笛逝虛林雨映寺鐘來

幾年間却持螯手強為清秋送酒杯

潘公墻角樹連汀曾是笙簧晝夜聽門巷祇今埋糞壤
輪蹄自昔走雷霆長因午睡思茶竈卻為朝吟款竹局
若續濟南名士錄莫令憔悴鵲湖亭

李侯高朗若空晴論議詩書滿腹撐期接仙舟應少便
偶分宮硯亦多情蠻荒異俗中年歷河漢頻秋向夕傾
此去暫煩南郡守旌旄勿用野人驚

浦君高價本璠璣多幸蒹葭得所於學道初輕千里驥

收功直到九州魚詩探飯顆尤難測賦擬蘭陵定不虛
月月西垣更夜直還應共我惜居諸

秋入江山錦繡開白雲紅葉盡詩才句成祇用三年得
槎在應須八月回自是每為浮客累非關不受故人催
憑將寄語詞林老風雨重陽又近來

送白无咎太守之郡

瀟灑中書舊省郎排雲曾攬舜衣裳一麾況復守名郡
萬事不如歸故鄉馬首漸違燕闕雨鴈聲欲度晉城霜

漢廷擇相皆良吏蚤奉潘輿謁建章

奉同陳應奉訪友人不遇

翰林小暇出西城京國餘秋晚更明
鷗度折磯心已熟馬逢危石眼偏生
疾風稍定樓臺色微照猶含鼓角聲
會合何因得惆悵潛夫祇愧未潛名

夜坐有懷舍弟在江右別來凡閱九冬至矣

天邊此夜逢冬至江表頻年望客還
謬戴詞林深雨露卻憐棲萼遠河山
周流本已違長策趨走那堪益厚顏

何日求田歸計定一尊松下詠間關

寄別倪大同

知君久住玉真壇日與飛仙弄紫環從此便令行地縮
逢誰不說上天難鶴邊紅日浮觴送馬首青山抱檄看
相好何因不相別寄詩應到暮雲端

將赴雷陽送羅提舉之任廣東

松滋暫泊薊門船復指番禺路幾千茉莉香深和酒露
桄榔葉暗煮鹽烟齊人舊算無遺策漢史新藏有剩錢

莫為遐荒心力怠朱崖更在海南邊

休日出郊三首

上方鐘鼓晝依稀出定諸僧綰法衣
迎客猶能下殿走訪人更有待尋歸
禿鶯近水行仍啄危燕當梁乳更飛
自古旅懷煩慰藉並游萬事莫相違

丞相祠西椰子園新開湖館見遙邨
風含碎羽珊珊過浪湧長干剌剌翻
止息幸然無鶴爵去來應或有鵬鷗
江邊柳樹晴相倚祇為行人作斷魂

歇馬高林烟霧開感今懷古獨登臺遷臣逐客皆前輩
幕長郎官盡上才放浪已聞窮九域飛騰終合近三台
謝公自有青雲屐且與從容步紫苔

寄友

繡衣行部直南州幕府英名早歲收如此一臺兼二妙
令人萬里破千愁枕椰葉暗潮聲暮薜荔花懸岳影秋
此去三湘寧久住近天須應璽書求

題燕山僉事綵繡堂

海康城下白雲飛南部觀風使者歸督郡須持直指斧
歷階尚掛老萊衣高堂見月思丹檄遠路逢春憶翠微
賴有勝流詞翰在定隨華榜照林扉

贈余使君致仕還江東

九華山下女蘿叢使者旌旗發粵中昔至本膺丹詔重
今歸惟頌白頭公百年自喜行藏定千里何當語笑同
門口待船應有待大江西即大江東

楚樓鎮志曰漢大將樊船處也今為文昌縣懷

古奉簡邑文學

龍節迢迢去不歸漢家將軍建國威當時曾見樓櫓集
異代空聞塵土飛風壓春潮吞亂嶼岸分古木轉斜暉
旁人猶解祠神女何故功臣廟貌稀

立春日

今辰春節喜新晴況是山堂此日成畦菜撥餘傳葉美
逕桃留在著花明雲開葛井蛟龍動雪盡蕭巖鸛鶴鳴
失喜浪傳京邑信未聞鄰舍識高情

寄題何處士竹閣

吳漢仙翁丹井西君家高閣俯清溪
泠泠修竹鶯時到井井空烟鵲晝啼
解帶欲圍蒼雪遠敲門待看綠陰齊
何當試會登臨願繫馬宅前楊柳枝

屈原廟前觀雨雨止渡口觀魚

乍來條去峰前雨半落未開沙際花
春遠客懷淹燕雀年荒民命假魚鰕
徒聞黃霸能為郡豈識張騫苦泛槎
早謂仙人無世慮山深往往飯胡麻

送毛鍊師奉祠禮成還京

仙官持節下青冥
海瀆嚴祠護百靈
行為治平循禹服
禮從裡祀想虞廷
東風到處隨神雨
南極歸來奏壽星
致福要當宣室問
鶴書先報白雲扃

龍潭壖

征夫魚貫涉秋脣
樹底照見石磷磷
攀緣惟有千古意
搖落獨如三月春
天清過澗損飲子
日宴噪林鵲驚人
七曲櫂歌誰按得
他年重問壖頭津

題黃隱君秋江釣月圖

舊識先生隱者流，偶因圖畫想滄洲。
斷雲滿路碧窗晚，明月何年青嶂秋。
世故風塵雙短屐，生涯天地一扁舟。
何由白石空磯畔，招得人間萬戶侯。

寄上甘肅吳右丞三首

要使唐虞化遠覃，玉門關下屈征驂。
多憂總為民心苦，有喜惟聞郡姓甘。
日晚沙黃澆澆天，晴隴樹碧穆穆。
國風不繫秦州外，自此西人識召南。

歷數先朝輔弼賢如公孰可語同年二童一馬臨荒鎮
百感千憂倚上天深厚已聞驚詔趣平安不用鴈書傳
別來濯濯春城柳誰信秋風慰目前

塞上孤鷹白雪毛塞門風物靜蕭蕭黃河西去從天下
泰華東來拔地高枸杞莫將如薏苡醍醐足飲勝蒲萄
遙瞻圭袞還丹日正屬江湖心緒勞

郭茂才要飲舍下忽報董中丞靈樞自上都至
出城迎之遂負此約戲題奉謝

相期把酒對秋暉忽報中丞旅櫬歸遂逐城東朝騎發
遙憐江口夕鴻飛陶潛宅隱波吞石謝傳山寒雨打扉
人事雖殊風物在笑談豈可眼中稀

九月十九日京東門與董右軍諸公別至通州

還寄在京朋游

臨分強顏作笑言上馬慟哭投烟村十年總仗舊交力
萬里獨懷明主恩南極下頭星象少東風近便柳梅鰲
時人祇怪丹砂令曾以虛名細討論

山齋二首

山齋朝雨竹光勻
茶竈催添石火新
對語黃鸝真不俗
飛來白鷺淨無隣
辭榮豈敢邀時論
賞靜猶應愧古人
報道林河春漲起
少須重理舊絲綸

幽棲自是少經過
藥裹書囊奈癖何
仙井朝來雲氣重
洞房夜盡雨聲多
江湖耆舊深思憶
臺館風威尚琢磨
自爾索居增固陋
負苓誰問首陽阿

送陳從事歸江東二首

長年京下送人歸初及扁舟指翠微豈意遂聞鴻鵠操
卻須同製芰荷衣清江碧樹重重見紫燕黃鸝處處飛
如此交游二三輩何因中歲每相違

吳儂呼劍每通神鑄作由來極苦辛天下縱無增價士
夜中須有識光人即今況躡青雲地何日重翻紫陌塵
令弟兩街清顯甚定應攜手接星辰

傳之經歷謁告還湘中未語別而宵征翌日與
僚友追送生居亭中

美人歸思落滄波
昨者論心肯重過
寒盡極知春意在
夜深無奈月明何
海隅雖暫違霜幕
天上應須接玉珂
如此才賢移病去
瘴烟端的為誰多

北風盡日破南溟
行客經年倚壽星
子有全家依翠岳
我猶萬里隔青冥
山田鹿下投書去
水館猿啼卻坐聽
王事馳驅知有素
何由重見此郵亭

十月九日詣天光門上進三朝實錄

儀鸞簇仗滿雲端
玉鑰初開衆樂攢
三后龍光周典冊

金史卷之八
卷七
羣臣鵠立漢衣冠爐香著日浮晴靄宮樹班香試曉寒
千騎前頭都不避祇傳學士拜金鑾

畫馬

一自房星下渥洼龍媒多在玉皇家赤毛洒血微生汗
黑暈搏雲整作花不待老能知失道固應來是涉流沙
如今豈少真神駿猶有丹青紙上誇

石氏壽母

鶴髮西風尚健身綵衣天上四麒麟
闕門皆可二千石

此母何妨五百春
露下齊山紅樹曉
雨生灤浦綠波勻
勝筵偶覩諸賢詠
盡敬東州學士醇

歸來

十載歸來問草堂
入門喜見葛山蒼
慈親已慰占烏鵲
稚子行堪詠鳳凰
新理園池幾剏物
小移松柏且分行
卜居未是居難卜
為恐旁人議楚狂

和柳提學贈危太樸

伐木丁丁秋滿山
詩筒忽到與開顏
當時有客諳花洞

此地經年上竹關絕域尚懷身倚劒深居曾夢手持環
文章政類龍多變識察能通豹幾斑

題新喻吳氏浩然堂遺事

釣磯西畔問宜州回首空山又數秋曾見龍蛇飛敗壁
每疑魚鳥逐扁舟風雲一變衣冠地城郭重來水石幽
傳得眉山遺記在吳家子弟更風流

過鄰人園林

隱者園林畫不譁冠山樓閣護青霞平安日上琅玕竹

富貴春行錦繡花
高鳥時排朱檻過
遠溪正帶白雲斜
江城只解聽絲管
何處能來玉女車

金鳳

金鳳階前只漫生
移栽行列甚方平
新來兩本當軒出
各吐幽花照眼明
夏雨要將蘇衆槁
朝陽端已瑞先鳴
勿云小草精神短
每論韶簫記爾名

贈楊茂才

西風浙浙風雨生
南塘蕭蕭樓觀清
玄蟬抱樹一時息

老鶴懷山終夜鳴
放形海岳等雲水
託好音書猶弟兄
未知此別會何日
為子商歌無限情

贈王文學

法樂洞天曾一游
君家間在水西頭
石潭密映藤蘿月
山葉深藏虎豹秋
豈意吳城祠下路
共尋揚子岸邊舟
胷中富有天官學
莫為東南久滯留

到京之七日親祀禮成聞喜有作簡曹奉常

南征被命過柴荆
瘴土歸來濕病嬰
行撥烟霞歸上界

卧聽風雪打長更，侍祠想重鳴珂密。
出次知先警鼓清，拂曉齋宮聞好語。
誰人不賀泰階平。

辛酉歲元日

西山千仞鬱崔巍，山下樓臺紫翠開。
玉帛會同來萬國，璣衡縣運屬三台。
嘗聞海客談金鼎，更見祠官進玉杯。
慙愧辭臣今白首，久無賦頌獻蓬萊。

次韻送人之五羊

豫章遠接五羊城，白鳥飛還道路明。
昔我乘桴游汗漫，

今君攬轡度崢嶸湖堧夕下潮聲轉斗角寒深寶氣橫
總為觀風揚職業有詩才不負茲行

七月一日度毛竹山

毛竹山高風物幽夜宿白雲新雨收沿溪而上鐘鼓導
自昔以來仙聖游久知地迴飛猿點新喜天空鳴鳥稠
折嶮縈危盡吾力此行聊不負司秋

曾教授趨韶州

荔子紅邊五月初廣文去住定何如報恩豈戀將軍馬

治盜聊迂太守車多近藤蘿安吏舍少憑椒葛附音書
到官定有佳聲薦瘴雨蠻烟細袪除

獲鹿西郊在樵舍下十里鹿脫奔走山麓余驅
騎者踣之以縛自隨時藩兵方燎原靡得觀者
傳訝

獵人大火布江磯準備平章旦出圍鹿鹿齊看赤手獲
鷲鷹猶傍碧雲飛呦呦尚想山居縱麋麋寧忘野食肥
天上神仙不得力心安束縛從吾歸

靖海縣

海縣春深沙氣暄居人生事不離邨上梯取斧料桑尾
抽櫂移舟繫柳根已過清明違帝里不妨紅白遍江園
持杯試與酬風物深愧樊遲學圃言

百丈春日紀懷三首

江墅羣芳手自栽春前相次劇蒼苔鄰僧昨許山蘭送
社姬新分圃藥來本為聖情思共濟更饒生事得相催
粵王溪畔韶光好誰想經年逝不回

東風久不到新堂生意雖微未
卒荒草上蒔蒨偏挺特
花間蘆葍故高長時來豈盡栽培力
物化須知長養方
葵藿有心終莫奪每間文笏照滄浪

飛飛燕子守繩樞愛爾由來似鳳雛
肯謂撩人嗔坐對
向曾去我憶巢孤塗泥須責經營苦
爪觜無供啄哺娛
春社風光時有再生品彙各懸殊

太樸緘至君靜清詩讀之快慰斯文凋敝之餘
安得見此傑然者敬嘆服一詩寄謝并簡君瑞

要知於二賢傾倒之至也

元豐宗匠是吾師幽夢江湖每見之在昔才名真蓋代
祇今子弟好能詩六經更待黃麻擬雙劍終因紫氣知
衰疾連秋猶長物扁舟未到謝相思

弔張鍊師

名家接武依丹陛壯歲招魂入翠微遂使老聃成自弔
不知丁令竟何歸蛇蟬豈戀尋山蛻雞犬曾聞挾日飛
獨有皇恩無以報昨傳天語慰松扉

李原李翁

魯國先生九十餘百年消息定何如
世情看作東流水
天地留恩下澤車
隴西供奉豈無酒
河上丈人空有書
見說鄉鄰問何事
扣門語及莫鐘初

寄題集賢周司直悠然閣

番陽東下萬山圍
魁閣崢嶸面翠微
雲接大荒迴古色
波涵落木動晴暉
宦情靜與游魚逝
詩思長隨夕鳥飛
久待倚闌成獨酌
癡兒了事各須歸

徐聞縣懷京下舊游

平生不識張廷尉中歲方逢馬伏波
昨見山川皆膽落稍侵霜露始心和
皇恩遠荷優隆至旅況深慚慨惜多
天上故人安好在西風遲暮意如何

泰定二年丙寅歲元日

閩藩傑構入青雲簫鼓聲高萬壑間
甌粵誰存封建業唐虞真是聖明君
蓬萊瑞氣皇居正太液恩波御席分
身遠祇懷歸委珮絲綸閣近最繽紛

自我府出還珠門晚歸廨舍

光迎署府千花樹秀入河橋萬柳梢春日樓臺圍翠巘
夜晴燈火接青郊升平舊俗今猶在浩蕩流年又遞交
供奉仙官何處宅相依願與結衡茅

閩山神光寺西屋上觀唐李陽冰篆篆為山僧
架屋所壞存者始二十二字云

城西有寺忽如林伏地叩霄苔蘚侵古人題字看欲遍
今我杖藜來相尋潛蛟在壑不多見飛鳥過巖時一吟

斫破荒祠山鬼怪祇饒游覽重千金

游南澗寺寺乃唐節度使王審知所建

閩山東面啓松門梯石層層見梵尊題表尚存唐節鎮
地圖渾似洛林園亭因聚遠開幽徑棧至臨危出小軒
最是躋攀宜健步病身無羽亦飛鶩

伏覩中書以內郡飢遍行拯救新令感激有作
江南往歲旱連州河北今年水逆流恭體朝廷寬卹意
少紓田里散離憂表章有道誠長策衣食無功本拙謀

國制由來重農畝太平政不在他求

憲司雙榕輪囷數十圍其庇數畝雨止觀白鷺
榕樹庭中翠欲曛飛來白鷺動如雲每當彈射思傷物
忽到裴徊感離羣護子烏鴉來辟易附人鸛鵲漫繽紛
要知得失都何與含育無由報聖君

歸思

陶公歸思定如何山郭春風長薜蘿直道當官惟任拙
庸才負祿祇慙多江山實自辭家隔日月虛隨閉戶過

金匱要略卷之七
點點飛鴻向天末憂端不類澤中歌

到官

陶公到官八十日今我到官踰半期勸農省俗了無補
暖衣飽食將何為常思在山深虎豹幾曾當道假狐狸
英雄見義猶飢渴可使文人有愧辭

風止聞鵲

荒山遠水放輕舸傾雨顛風撼敝袍五六月餘鄉間絕
二千里外客心勞樹間烏鵲聲頻好天上麒麟格自高

獨有武夷看未了野人寄語壓香醪

奉和吳宗師退朝

柳外朝冠古進賢雲間觀戶舊通仙蓬萊豈隔三千里
華頌宜過一萬年香並袞龍浮瑞日聲隨簫鳳下晴天
文臣不願金莖賜但想黃封到竹邊

奉觀郊廟禮成簡曹禮部

西山半壁影鉤陳晴雪新銷路馬塵兩歲通行三大禮
千官中稱一間身伊臯事業何當下管樂才名不用真

金史卷之八
卷七
遙憶南宮舊詞伯退歌清廟屬生民

和馬貢士元夕同觀燈之作

已戒金吾夜不譁西山又被雪微遮
飢年禁釀知誰力到處看燈似我家
旅夢比嘗經赤甲病身尤欲戀黃芽
雲端此日烟霏暖遙想仙人立露華

答李洄

客居離索感芳晨頗耐物色惱詩人
花心盡逐陽和動柳眼宜於故舊新
萬里清江家共遠九春皓月夢兼頻

鹿門自有龐夫子長往烟林秋復春

調馬君

平時有酒不解醉愁至方知酒道尊一萬里程兼雪霰
三千年事隔朝昏何因洗盞花間嶼更與停鞭柳下墩
寄語東鄰馬貢士今昏琴筑好溫存

獨立

能詩不得靜中師又是天涯獨立時高樹夕陽人影亂
曲河新水棹聲遲一身慷慨家仍遠十口淒涼歲荐飢

獨爾凭闌感風物臨流先被白鷗知

張留公母

山風遙引紫雲車樓閣春深阿母家更五十周重甲子
後三千歲一桃華綵衣故綰封留印白璧新隨使蜀查
見說麻姑舊行處至今源上有丹砂

奉和王繼學懷濟南舊遊

前輩風流逐斷澌濟南舊錄故人詩遙知靈運初游日
正是元方後載時青社寥寥成異物丹丘鼎鼎屬遐思

壯年易動離居感繾綣花前金屈卮

樓上看山翠黛浮樓前沽酒錦纏頭登臨試與詢湖鴈
豪傑親曾侶海鷗沙嶺曉晴雲散出野亭春盡水交流
意中故舊那能得強擬偷生賦遠遊

每愁大手不如燕多見公侯勝昔年計拙欲求千戶等
心勞政類十洲仙幾回見月思歸去暫到臨風復惘然
剪盡綠楊三萬樹多應無處著啼鵲

手接新詞絕底清一雙白眼為君青
寰區政待新年穀

江漢徒傳赤日萍斷雨潛蛟虛水榭遠波迴鷺實雲汀
此情可在齊州外不解無人問獨醒

和田師孟郎中寒夕西曹即事

正是西曹遣翰初落花寒食柳微舒每因作者留心苦
多恨時人守法疎詩思偶闕綿上史刑修正在腹中書
平生萬卷蘇居士皓首東坡雪不如

上真應寺觀寺後龍湫湫在屋上盖由寺北下
馬並高數十折得之又數步許得巨石有僧龕

其中云即唐盧叟所隱成道處時日斜方焚香
誦經間聞客至乃能輟誦相迎作茶云

憑高窈窕辨精藍濯佩還思訪古潭字貶孟家題處碣
洞留盧叟去時龕近人野鳥如曾識問客山精不敢談
聞說平坡猶在上登臨雖倦且停驂

雨後坐郝大叅亭子

每見人來問草堂偶從燕坐憶滄浪地形遠競朝霞爽
林氣清分宿雨香移石旋成行藥逕障泉思引釣魚航

他年紫綬歸黃閣
几杖苔生儘不妨


雨後過王長史

省郎近佐三公府
想得深懷似故山
風急游絲當院靜
雨餘芳草閉門閒
未離塵土長思蛻
已近江湖不論還
自爾相看慰岑寂
不聞朝署有新班

挽劉提舉

逝川無力可能攀
又送先生塋碧山
化鶴不歸華表上
鳴雞尚在白雲間
空歌楚水巫陽些
不見蓬州使福還

畢竟修文陰有待玉樓何許淚潸潸



范德機詩集卷七